

PHARMANIAGA PARACETAMOL TABLET

Paracetamol (500mg, 650mg)

Apakah yang ada pada risalah ini

1. Apakah kegunaan Pharmaniaga Paracetamol Tablet
2. Bagaimana Pharmaniaga Paracetamol Tablet berfungsi
3. Sebelum mengambil Pharmaniaga Paracetamol Tablet
4. Cara mengambil Pharmaniaga Paracetamol Tablet
5. Semasa mengambil Pharmaniaga Paracetamol Tablet
6. Kesan-kesan sampingan
7. Cara penyimpanan dan pelupusan Pharmaniaga Paracetamol Tablet
8. Maklumat lanjut
9. Pengilang dan Pemegang Pendaftaran Produk
10. Tarikh kemaskini RiMUP

Apakah kegunaan Pharmaniaga Paracetamol Tablet

Pharmaniaga Paracetamol Tablet digunakan untuk melegakan sakit ringan dan demam.

Bagaimana Pharmaniaga Paracetamol Tablet berfungsi

Pharmaniaga Paracetamol Tablet mempunyai ciri-ciri analgesik (melegakan kesakitan) dan antipiretik (anti-demam).

Sebelum mengambil Pharmaniaga Paracetamol Tablet

-Bila tidak boleh mengambil

Jangan mengambil Pharmaniaga Paracetamol Tablet jika anda alah kepada paracetamol atau acetaminopen dan bahan-bahan kandungan yang lain.

Jika anda tidak pasti, bincang dengan doktor atau ahli farmasi sebelum mengambil ubat ini.

-Sebelum mula mengambil Pharmaniaga Paracetamol Tablet

Ubat ini mengandungi Paracetamol. Jangan mengambil ubat-ubatan lain yang mengandungi paracetamol pada masa yang sama.

Doktor anda perlu tahu jika anda mempunyai masalah buah pinggang atau hati sebelum anda mengambil Pharmaniaga Paracetamol Tablet.

Pharmaniaga Paracetamol Tablet perlu diambil dengan berhati-hati jika anda mengambil ubat-ubatan lain yang mengganggu fungsi hati.

Bincang dengan doktor atau ahli farmasi anda jika anda sedang hamil atau menyusukan bayi. Masalah pada manusia tidak dilaporkan apabila mengambil Pharmaniaga Paracetamol Tablet semasa hamil atau menyusukan bayi.

-Jika mengambil ubat-ubat lain

Beritahu doktor atau ahli farmasi anda ubat-ubatan yang anda ambil termasuk semua ubat-ubatan yang anda beli tanpa preskripsi dari kedai farmasi, supermarket, atau kedai makanan kesihatan lain.

Beritahu doktor anda jika anda mengambil Pharmaniaga Paracetamol Tablet dengan kombinasi alkohol, pendorong enzim hati dan ubat yang diketahui toksik kepada hati. Risiko keracunan hati meningkat dengan pendorong enzim hati dan ubat-ubatan yang diketahui toksik kepada hati.

Cara mengambil Pharmaniaga Paracetamol Tablet

Sentiasa mengambil ubat ini sepertimana yang diarahkan oleh doktor atau ahli farmasi anda. Baca arahan pada label dengan teliti.

-Berapa banyak harus diambil

Pharmaniaga Paracetamol 500mg:
Dewasa: 1 hingga 2 tablet setiap 4 hingga 6 jam sehingga maksimum 8 tablet setiap hari.

Kanak-kanak: 6 hingga 12 tahun: 1/2 hingga 1 tablet 3 hingga 4 kali sehari.

Pharmaniaga Paracetamol 650mg:

Dewasa: 1 hingga 1 $\frac{1}{2}$ tablet tiga atau empat kali sehari sehingga maksimum 6 tablet sehari.

-Bila perlu diambil

Iikut arahan label dengan berhati-hati dan seperti yang diarahkan oleh doktor atau ahli farmasi anda.

-Berapa lama perlu diambil

Iikut arahan label dengan berhati-hati dan seperti yang diarahkan oleh doktor atau ahli farmasi anda.

-Jika terlupa menggunakan

Ambil dos yang tertinggal sebaik sahaja anda ingat. Jika ia hampir masa untuk dos seterusnya, abaikan dos yang tertinggal dan ambil ubat itu pada masa yang dijadualkan seterusnya.

Jangan mengambil ubat tambahan untuk mengantikan dos yang tertinggal. Ini boleh meningkatkan peluang anda mendapat kesan-kesan sampingan yang tidak diingini.

-Jika mengambil berlebihan (terlebih dos)

Segera hubungi doktor anda atau segera ke hospital terdekat jika anda fikir telah menggunakan terlalu banyak ubat ini.

Gejala pengambilan Pharmaniaga Paracetamol Tablet yang berlebihan boleh dilihat dalam tempoh 24 jam pertama. Antara simptom-simptomnya ialah:

- loya
- muntah
- hilang selera makan
- sakit perut

Kerosakan hati (yang antara simptom-simptomnya adalah rasa sakit, nyeri dan / atau Bengkak di kawasan sebelah atas perut) boleh menjadi lebih ketara 12 hingga 48 jam selepas pengambilan ubat.

PHARMANIAGA PARACETAMOL TABLET

Paracetamol (500mg, 650mg)

Dalam kes keracunan yang teruk, kegagalan hati boleh mengakibatkan kegagalan atau kerosakan fungsi otak, koma dan kematian.

Rawatan segera adalah sangat penting dalam pengurusan pengambilan Pharmaniaga Paracetamol Tablet yang berlebihan.

Semasa mengambil Pharmaniaga Paracetamol Tablet

-Perkara yang perlu dilakukan

Ambil ubat ini mengikut arahan doktor anda.

- Maklumkan kepada semua doktor, doktor gigi dan ahli farmasi yang merawat anda bahawa anda sedang menggunakan Pharmaniaga Paracetamol Tablet.
- Beritahu doktor anda dengan segera jika anda hamil semasa menggunakan ubat ini.

-Perkara yang tidak boleh dilakukan

Jangan berkongsi Pharmaniaga Paracetamol Tablet dengan sesiapa walaupun mereka mempunyai simptom yang sama.

Jangan mengambil ubat ini untuk merawat sebarang masalah lain melainkan atas arahan doktor atau ahli farmasi anda.

-Perkara yang perlu diberi perhatian

Elakkan pengambilan alkohol ketika anda menggunakan ubat ini.

Kesan-sesan sampingan

Semua ubat-ubatan mungkin mempunyai beberapa kesan sampingan yang tidak diingini. Kesan-sesan sampingan yang tidak diingini tidak selalu berlaku kepada setiap orang. Beritahu doktor atau ahli farmasi anda secepat mungkin jika anda tidak berasa sihat semasa anda mengambil Pharmaniaga Paracetamol Tablet.

- **Amaran alergi:** Paracetamol boleh menyebabkan reaksi kulit yang teruk. Antara gejala-gejalanya

termasuk kemerahan pada kulit, lepuh atau ruam.

- Gejala-gejala seperti di atas mungkin menunjukkan tanda-tanda keadaan yang serius. Sekiranya tindak balas ini berlaku, hentikan penggunaan ubat ini dan dapatkan bantuan perubatan dengan segera.

Anda boleh melaporkan sebarang kesan sampingan atau kesan advers ubat kepada Pusat Pemantauan Kesan Advers Ubat Kebangsaan melalui No. Tel: 03-78835550 atau laman web npra.moh.gov.my (*Public → Reporting Side Effects to Medicines (ConSERF)/Vaccine (AEFI)*).

Cara Penyimpanan dan Pelupusan Pharmaniaga Paracetamol Tablet

-Penyimpanan

Simpan semua ubat daripada penglihatan dan jangkauan kanak-kanak.

Jangan mengambil ubat ini selepas tarikh tamat tempoh yang diterterakan pada pek bungkus.

- Simpan dibawah 25°C.
- Lindungi dari cahaya.

-Pelupusan

Ubat tidak harus dilupuskan melalui air buangan atau sisa isi rumah. Dapatkan maklumat daripada ahli farmasi anda mengenai cara yang betul untuk melupuskan ubat yang tidak diperlukan lagi. Langkah-langkah ini dapat membantu melindungi alam sekitar.

Maklumat Lanjut

-Rupa dan warna produk

Pharmaniaga Paracetamol 500mg :
Tablet berwarna putih, bulat, rata bertepi serong dengan ikon Pharmaniaga di satu permukaan dan garisan belah di satu permukaan yang lain.

Pharmaniaga Paracetamol 650mg:

Tablet berwarna putih dan lonjong dengan ikon Pharmaniaga di satu permukaan dan garisan belah di satu permukaan yang lain.

-Bahan-bahan kandungan:

-Bahan aktif
Paracetamol

-Bahan tidak aktif

Potassium sorbate, Stearic acid, Pregelatinized Starch, Microcrystalline Cellulose, Croscarmellose Sodium, Povidone, Talc and Purified Water.

-Nombor MAL

Pharmaniaga Paracetamol 500mg:
MAL20000235XZ

Pharmaniaga Paracetamol 650mg:
MAL19990608XZ

Pengilang

Pharmaniaga Manufacturing Berhad (60016-D),
11A, Jalan P/1, Kawasan Perusahaan Bangi, 43650, Bandar Baru Bangi , Selangor Darul Ehsan, Malaysia.

Pemegang Pendaftaran Produk

Pharmaniaga Manufacturing Berhad (60016-D),
11A, Jalan P/1, Kawasan Perusahaan Bangi, 43650, Bandar Baru Bangi , Selangor Darul Ehsan, Malaysia.

Tarikh Kemaskini RiMUP

9/4/2018

Nombor Siri

NPRA(R4/1)140218/00049